

永平府志卷五十四

列傳六 鄉賢一

商

伯夷叔齊孤竹君之二子也父欲立叔齊及父卒叔齊讓伯夷伯夷曰父命也遂逃去叔齊亦不肯立而逃之國人立其中子於是伯夷叔齊聞西伯昌善養老蓋往歸焉及至西伯卒武王載木主號爲文王東伐紂夷齊叩馬而諫曰父死不葬爰及干戈可謂孝乎以臣弑君可謂仁乎左右欲兵之太公曰此義人也扶而去之武王已平殷亂天下宗周而伯夷叔齊恥之義不食周粟隱於首陽山采薇而食之及餓且死作歌其辭曰登彼西山兮采其薇矣以暴易暴兮不知其非矣神農虞夏忽焉沒兮我安適歸矣吁嗟徂兮命之衰矣遂餓死於首陽山

史記

後漢

郭涼字公文右北平人身長八尺氣力壯猛雖武將然通經書多智略尤曉邊事初幽州牧朱浮辟爲兵曹掾擊彭寵有功封廣武侯建武九年爲雁門太守與驃騎大將軍杜茂擊盧芳將尹由於繁峙其將賈丹霍匡解勝等殺由詣涼降詔送委輸金帛賜茂涼軍

永平府志

卷五十四

鄉賢一

一

吏自是盧芳城邑稍稍來降涼誅其豪右郭氏之屬
鎮撫羸弱旬月閒雁門平芳亡入匈奴帝擢涼子爲
中郎宿衛左右

附後漢書
杜茂傳

魏攸右北平人爲幽州牧劉虞東曹掾虞與公孫瓚有
怨密謀於攸攸曰今天下引領以公爲歸謀臣爪牙
不可無也瓚文武才力足恃雖有小惡固宜容忍虞
乃止頃之攸卒虞積忿不已率屯兵攻瓚大敗爲瓚

所殺

附後漢書
劉虞傳

公孫瓚字伯珪遼西令支人也家世二千石瓚曰母賤
遂爲郡小吏爲人美姿貌大音聲言事辯慧太守奇

永平府志

卷五十四

鄉賢一

一一

其才呂女妻之後從涿郡盧植學於緱氏山中略見
書傳舉上計吏太守劉君坐事檻車徵官法不聽吏
下親近瓚乃改容服詐稱侍卒身執徒養御車到洛
陽太守當徙曰南瓚具豚酒於北芒上祭辭先人酹
觴祝曰昔爲人子今爲人臣當詣日南日南多瘴氣
恐或不還便當長辭墳塋慷慨悲泣再拜而去觀者
莫不歎息旣行於道得赦瓚還郡舉孝廉除遼東屬
國長史嘗從數十騎出行塞下卒逢鮮卑數百騎瓚
乃退入空亭約其從者曰今不奔之則死盡矣乃自
持兩刃矛馳出衝賊殺傷數十人瓚左右亦亡其半

遂得免中平中呂瓚督烏桓突騎車騎將軍張溫討涼州賊會烏桓反畔與賊張純等攻擊薊中瓚率所領追討純等有功遷騎都尉張純復與畔胡邱力居等寇漁陽河閒勃海入平原多所殺略瓚追擊戰於屬國石門虜遂大敗棄妻子踰塞走悉得其所略男女瓚深入無繼反爲邱力居等所圍於遼西管子城二百餘日糧盡食馬馬盡煮弩楯力戰不敵乃與士卒辭訣各分散還時多雨雪墜阬死者十五六虜亦飢困遠走柳城詔拜瓚降虜校尉尉都亭侯復兼領屬國長史職統戎馬連接邊寇每聞有警瓚輒厲色

憤怒如赴讐敵望塵奔逐或繼之以夜戰虜識瓚聲憚其勇莫敢抗犯瓚常與善射之士數十人皆乘白馬呂爲左右翼自號白馬義從烏桓更相告語避白馬長史乃畫作瓚形馳騎射之中者咸稱萬歲虜自此之後遂遠竄塞外瓚志埽滅烏桓而劉虞欲呂恩信招降由是與虞相忤初平二年青徐黃巾三十萬人入勃海界欲與黑山合瓚率步騎二萬人逆擊於東光南大破之斬首三萬餘級賊棄其車重數萬兩奔走渡河瓚因其半濟薄之賊復大敗死者數萬流血丹水收得生口七萬餘人車甲財物不可勝算威

各大震拜奮武將軍封薊侯瓚既諫劉虞遣兵就袁術而懼術知怨之乃使從弟越將千餘騎詣術自結術遣越隨其將孫堅擊袁紹將周昕越爲流矢所中死瓚因此怒紹遂出軍屯槃河將曰報紹乃上疏曰臣聞皇義已來君臣道著張禮曰導人設刑曰禁暴今車騎將軍袁紹託承先軌爵任崇厚而性本淫亂情行浮薄昔爲司隸值國多難太后承攝何氏輔國紹不能舉直錯枉而專爲邪媚招來不軌疑誤社稷至令丁原焚燒孟津董卓造爲亂始紹罪一也卓既無禮帝主見質紹不能開設權謀曰濟君父而棄置

節傳迸竄逃亡忝辱爵命背違人主紹罪二也紹爲勃海當攻董卓而默選戎馬不告父兄至使太傅一門纍然同弊不仁不孝紹罪三也紹興既兵涉歷二載不恤國難廣自封植乃多引資糧專爲不急割刻無方考責百姓共爲痛怨莫不咨嗟紹罪四也逼迫韓馥竊奪其州矯刻金玉曰爲印璽每有所下輒阜囊施檢文稱詔書昔亡新僭侈漸曰卽眞觀紹所擬將必階亂紹罪五也紹令星工伺望祥妖賂遺財貨與共飲食剋會期日攻鈔郡縣此豈大臣所當施爲紹罪六也紹與故虎牙都尉劉勳首共造兵勳降服

張楊累有功效而呂小忿枉加酷害信用讒慝濟其無道紹罪七也故上谷太守高焉故甘陵相姚貢紹曰貪恡橫責其錢錢不備畢二人并命紹罪八也春秋之義子曰母貴紹母親爲傅婢地實微賤據職高重享福豐隆有苟進之志無虛退之心紹罪九也又長沙太守孫堅前領豫州刺史遂能驅走董卓埽除陵廟忠勤王室其功莫大紹遣小將盜居其位斷絕堅糧不得深入使董卓久不服誅紹罪十也昔姬周政弱王道陵遲天子遷徙諸侯背畔故齊桓立柯會之盟晉文爲踐土之會伐荆楚呂致菁茅誅曹衛呂

章無禮臣雖鬪茸名非先賢蒙被朝恩負荷重任職在鈇鉞奉辭伐罪輒與諸將州郡共討紹等若大事克捷罪人斯得庶續桓文忠誠之效遂舉兵攻紹於是冀州諸城悉畔從瓚紹懼乃呂所佩勃海太守印綬授瓚從弟範遣之郡欲呂相結而範遂背紹領勃海兵呂助瓚瓚乃自署其將帥爲青冀兗三州刺史又悉置郡縣守令與紹大戰於界橋瓚軍敗還薊紹遣將崔巨業將兵數萬攻圍故安不下退軍南還瓚將步騎三萬人追擊於巨馬水大破其眾死者七八千人乘勝而南攻下郡縣遂至平原乃遣其青州刺

史田楷據有齊地紹復造兵數萬與楷連戰二年糧食並盡士卒疲困互掠百姓野無青草紹乃遣子譚爲青州刺史楷與戰敗退還是歲瓚破禽劉虞盡有幽州之地猛志益盛前此有童謠曰燕南垂趙北際中央不合大如礪惟有此中可避世瓚乃自曰爲易地當之遂徙鎮焉乃盛修營壘樓觀數十臨易河通遼海劉虞從事漁陽鮮于輔等合率州兵欲共報瓚輔曰燕國閭柔素有恩信推爲烏桓司馬柔招誘胡漢數萬人與瓚所置漁陽太守鄒丹戰於路北斬丹等四千餘級烏桓峭王感虞恩德率種人及鮮卑七

千餘騎共輔南迎虞子和與袁紹將麴義合兵十萬共攻瓚興平二年破瓚於鮑邗斬首二萬餘級瓚遂保易京開置屯田稍得自支相持歲餘麴義軍糧盡士卒飢困餘眾數千人退走瓚徼破之盡得其車重是時旱蝗穀貴民相食瓚恃其才力不恤百姓記過忘善睚眦必報州里善士名在其右者必曰法害之常言衣冠皆 曰職分富貴不謝人惠故所寵愛類多商販庸兒所在侵暴百姓怨之於是代郡廣陽上谷右北平各殺瓚所置長吏復與輔和兵合瓚慮有非常乃居於高京曰鐵爲門斥去左右男人七歲曰

上不得入易門專侍姬妾其文簿書記皆汲而上之
令婦人習爲大言聲使聞數百步呂傳宣教令疏遠
賓客無所親信故謀臣猛將稍有乖散自此之後希
復攻戰或問其故瓚曰昔我驅畔胡於塞表埽黃巾
於孟津當此之時謂天下指麾可定至於今日兵革
方始觀此非我所決不如休兵力耕呂救凶年兵法
百樓不攻今吾諸營樓櫨千里積穀三百萬斛食此
足以待天下之變建安三年袁紹復大攻瓚瓚遣子
續請救於黑山諸帥而欲自將突騎直出傍西山呂
斷紹後長史關靖諫曰今將軍將士莫不懷瓦解之

心所呂猶能相守者顧戀其老小而恃將軍爲主故
耳堅守曠日或可使紹自退若舍之而出後無鎮重
易京之危可立待也瓚乃止紹漸相攻逼瓚眾曰蹶
乃卻築三重營呂自固四年春黑山賊帥張燕與續
率兵十萬三道來救瓚未及至瓚乃密使行人齎書
告續曰昔周末喪亂僵屍蔽地呂意而推猶爲否也
不圖今日親當其鋒袁氏之攻狀若鬼神梯衝舞吾
樓上鼓角鳴於地中日窮月急不遑啟處烏旻歸人
瀋水陵高汝當碎首於張燕馳驟呂告急父子天性
不言而動而厲五千鐵騎於北隰之中起火爲應吾

當自內出奮武揚威決命於斯不然吾亡之後天下雖廣不容汝足矣紹候得其書如期舉火瓚曰爲救至遂便出戰紹設伏瓚遂大敗復還保中小城自計必無全乃悉縊其姊妹妻子然後引火自焚紹兵趣登臺斬之關靖見瓚敗歎恨曰前若不止將軍自行未必不濟吾聞君子陷人於危必同其難豈可曰獨生乎乃策馬赴紹軍而死續爲屠各所殺田楷與紹戰死

後漢書列傳按三國志亦有傳與此微異

韓當字義公遼西令支人也以便弓馬有膂力幸於孫堅從征伐周旋數犯危難陷敵擒虜爲別部司馬及

永平府志

卷五十四

鄉賢一

八

孫策東渡從討三郡遷先登校尉授兵二千騎五十匹從征劉勳破黃祖還討鄱陽領樂安長山越畏服後以中郎將與周瑜等拒破曹公又與呂蒙襲取南郡遷偏將軍領永昌太守宜都之役與陸遜朱然等共攻蜀軍於涿鄉大破之徙威烈將軍封都亭侯曹眞攻南郡當保東南在外爲帥厲將士同心固守又敬望督司奉遵法令權善之黃武二年封石城侯遷昭武將軍領冠軍太守後又加都督之號將敢死及解煩兵萬人討丹陽賊破之會疾卒子綜襲侯領兵

三國志
列傳

晉

閻亨遼西人苟晞刑政苛虐縱情肆欲亨以書固諫晞

怒殺之

見晉書
苟晞傳

趙至字景真代郡人也寓居洛陽緱氏令初到官至年十三與母同觀母曰汝先世本非微賤世亂流離遂爲士伍耳爾後能如此不至感母言詣師受業聞父耕叱牛聲投書而泣師怪問之至曰我小未能榮養使老父不免勤苦師甚異之年十四詣洛陽游太學遇嵇康於學寫石經徘徊視之不能去而請姓名康曰年少何以問邪曰觀君風器非常所以問耳康異

永平府志

卷五十四

鄉賢一

九

而告之後乃亡到山陽求康不得而還又將遠學母禁之至遂陽狂走三五里輒追得之年十六游鄴復與康相遇隨康還山陽改各浚字允元康每曰卿頭小而銳童子白黑分明有白起之風矣及康卒至詣魏興見太守張嗣宗甚被優遇嗣宗遷江夏相隨到潁川欲因入吳而嗣宗卒乃向遼西而占戶焉至身長七尺四寸論議精辯有縱橫才氣遼西舉郡計吏到洛與父相遇時母已亡父欲令其宦立弗之告仍戒以不歸至乃還遼西幽州三辟部從事斷九獄見稱精審太康中以良吏赴洛方知母亡初至自恥士

伍欲以宦學立名期於榮養既而其志不就號憤痛

哭歐血而卒時年三十七

晉書

北魏

竇瑗字世珍遼西遼陽人

北史作陽洛人陽洛即陽樂案魏書地形志遼西郡統縣

三肥如陽樂海陽無遼陽遼陽當是傳寫之譌觀下封陽洛男益見自言本扶風平陵

人漢大將軍竇武之曾孫崇為遼西太守子孫遂家

焉曾祖堪慕容氏漁陽太守祖表馮文通成周太守

入國父罔舉秀才早卒普泰初瑗啟以身陞級為父

請贈詔贈征虜將軍平州刺史瑗年十七便荷帙從

師游學十載始為御史轉奉朝請兼太常博士拜大

永平府志

卷五十四

鄉賢一

十

將軍太原王叡朱榮官因是為榮所知遂表留瑗為

北道大行臺左丞以軍功賜爵陽洛男除員外散騎

常侍瑗以拜榮官賞新昌男因從榮東討葛榮事平

封容城縣開國伯食邑五百戶後除征虜將軍通直

散騎常侍仍左丞瑗乞以容城伯讓兄叔珍詔聽以

新昌男轉授之叔珍由是位至太山太守叡朱世隆

等立長廣王曄為主南赴洛陽至東郭外世隆等遣

瑗奏廢之瑗執鞭獨入禁內奏曰天人之望皆在廣

陵願行堯舜之事曄遂禪焉由是除征南將軍金紫

光祿大夫敷奏侃然前廢帝甚重之出帝時為廷尉

卿又釋奠開講瑗與散騎常侍溫子昇給事黃門侍郎魏季景通直散騎常侍李業與並爲摘句天平中除鎮東將軍金紫光祿大夫尋除廣宗大守治有清白之稱廣宗民情凶戾前後累政咸見告訟惟瑗一人終始全潔轉中山太守加征東將軍聲譽甚美爲吏民所懷及齊獻武王班書州郡誠約牧守令長稱瑗政績以爲勸勵焉後授使持節本將軍平州刺史在州政如治郡又爲齊獻武王丞相府右長史瑗無軍府斷割之才不甚稱職又行晉州事旣還京師上表論麟趾新制除大宗正卿尋加衛將軍宗室以其

永平府志

卷五十四

鄉賢一

十一

寒士相與輕之瑗按法推治無所顧避甚見讎疾官雖通顯貧窘如初清尚之操爲時所重領本州大中正以本官兼廷尉卿卒官贈本將軍太僕卿濟州刺

史謚曰明

魏書

後周

怡峯字景阜遼西人也本姓默台因避難改焉高祖寬燕遼西郡守魏道武時率戶歸朝拜羽真賜爵長虵公曾祖文冀州刺史峯少從征役以驍勇聞永安中假龍驤將軍爲都將從賀拔岳討万俟醜奴以功授給事中明威將軍轉征虜將軍都督賜爵蒲陰縣男

及岳被害峯與趙貴等同謀翊戴太祖進爵爲伯時
原州刺史史歸猶爲侯莫陳悅守太祖令峯與侯莫
陳崇討擒之及齊神武與魏孝武帝構隙帝頻勅太
祖簡銳卒入衛京邑太祖乃令峯與都督趙貴等率
輕騎赴洛陽至潼關值魏孝武西遷峯即從太祖拔
回洛復潼關拜安東將軍華州刺史尋轉大都督討
曹泥有功進爵華陽縣公邑一千戶大統二年從太
祖破竇泰於小關還拜散騎常侍車騎大將軍儀同
三司又從復宏農破沙苑進爵樂陵郡公仍與元季
海獨孤信復洛陽峯率奇兵至成皋入其郭收其戶

口而還東魏遣行臺任祥率步騎萬餘攻潁川峯復
以輕騎五百邀擊之自是威名轉盛加授開府儀同
三司東魏圍洛陽峯與季海守金墉太祖至圍解卽
與東魏戰於河橋時峯爲左軍不利與季遠先還太
祖因此班師詔原其罪拜東西北三夏州諸軍事夏
州刺史後與于謹討劉平伏從解玉壁圍平栢谷塢
竝有功涼州刺史宇文仲和反峯與于謹討之十五
年東魏圍潁川峯與趙貴赴援至南陽遇疾卒時年
五十峯沈毅有膽略得士卒心當時號爲驍將太祖
嗟悼久之贈華州刺史諡曰襄威子昂嗣官至開府

儀同三司朝廷追錄峯功封昂鄭國公昂弟光少以
峯勳賜爵安平縣侯起家員外散騎常侍累遷司土
中大夫左武伯出爲汾涇豳三州刺史加開府儀同
三司進爵龍河縣公光弟春少知名歷官吏部下大
夫儀同三司

周書

段永字永賓其先遼西石城人晉幽州刺史匹磾之後
也曾祖悞仕魏黃龍鎮將因徙高陸之河陽焉永幼
有志操閭里稱之魏正光末六鎮擾亂遂攜老幼避
地中山後赴洛陽拜殿中將軍稍遷平東將軍封沃
陽縣伯邑五百戶青州人崔社客舉兵反永討平之

永平府志

卷五十四

鄉賢一

十二

進爵爲侯除左光祿大夫時有賊魁元伯生率數百
騎西自崱潼東至鞏洛屠陷塢壁所在爲患魏孝武
遣京畿大都督匹婁昭討之昭請以五千人行永進
曰此賊既無城柵唯以寇抄爲資安則蟻聚窮則鳥
散取之在速不在眾也若星馳電發出其不虞精騎
五百自足平殄若徵兵而後往彼必遠竄雖有大眾
無所用之帝然其計于是命永代昭以五百騎討之
永覘知所在倍道兼進遂破平之帝西遷永時不及
從大統初乃結宗人潛謀歸款密與都督趙業等襲
斬西中郎將慕容顯和傳首京師以功別封昌平縣

子邑三百戶除北徐州刺史從擒竇泰復宏農破沙苑竝有戰功進爵爲公河橋之役永力戰先登授南汾州刺史累遷大都督車騎大將軍儀同三司散騎常侍驃騎大將軍開府儀同三司賜姓爾綿氏魏廢帝元年授恆州刺史于時朝貴多其部人謁永之曰冠蓋盈路當時榮之孝閔帝踐祚進爵廣城郡公轉文州刺史入爲工部中大夫遷軍司馬保定四年拜大將軍永歷任內外所在頗有聲稱輕財好士朝野以此重焉前後累增凡三千九百戶天和四年授小司寇尋爲右二軍總管率兵北道講武遇疾卒于賀

永平府志

卷五十四

鄉賢一

十四

葛城年六十八喪還高祖親臨贈使持節柱國大將軍同華等五州刺史諡曰基子岌嗣官至儀同三司兵部下大夫

周書

唐

田廷玠平州盧龍人尙儒學不樂軍旅與承嗣爲從昆弟仕爲平舒丞遷樂壽清池束城河閒四縣令以治稱遷滄州刺史李寶臣朱滔與承嗣不協合兵圍滄州廷玠固守連年食雖盡無叛者朝廷嘉其節徙相州承嗣盜磁相廷玠無所回染及悅代立忌廷玠之正召爲節度副使廷玠至讓悅曰而承伯父緒業當

守朝廷法度以保富貴何苦與恆鄆爲叛臣自兵興
來叛天子能完宗族者誰耶而志不悛盍殺我無令
我見田氏血污人刀也遂稱疾不出悅過謝之杜門
不納憤而卒

新唐書

田宏正字安道廷玠之子幼通兵法善騎射承嗣愛之
以爲必興吾宗名之曰興季安時爲衙內兵馬使同
節度副使封沂國公季安侈汰銳殺罰宏正從容規
切軍中賴之翕然歸重季安內忌出爲臨清鎮將欲
因罪誅之宏正陽痺痼臥家不出乃免季安死子懷
諫襲節度召還舊職懷諫委政于家奴蔣士則措置

永平府志

卷五十四

鄉賢一

十五

不平眾怒咸曰兵馬使吾帥也牙兵卽詣其家迎之
宏正拒不納眾譁于門宏正出眾拜之脅還府宏正
頓于地度不免卽令于軍曰爾屬不以吾不肖使主
軍今與公等約能聽命否皆曰惟公命因曰吾欲守
天子法舉六州版籍請吏于朝苟天子未命敢有請
五旂節者死殺人及掠人者死皆曰諾遂到府殺士
則及支黨十餘人於是圓魏博相衛貝澶之地籍其
人以獻不敢署僚屬而待王官先時諸將出屯質妻
子里民不得相往來宏正悉除其禁聽民通饋謝慶
弔服玩僭侈者卽曰撤毀之承嗣時正寢華顯宏正

避不敢居更就採訪使堂皇聽事幽恆鄆蔡大懼遣
客鐫說鉤染宏正皆拒遣之憲宗美其誠詔檢校工
部尚書充魏博節度使又遣司封郎中知制誥裴度
宣慰賚其軍錢百五十萬緡六州民給復一年赦見
囚存問高年惇獨廢疾不能自存者度明辯具陳朝
廷厚意宏正不覺自失乃深相結納奉上益謹復請
度徧行其部宣示天子恩詔因令節度僉謀布衣崔
權奉表陳謝且言天寶以來山東奧壤化爲戎墟官
封世襲刑賞自出國家含垢垂六十年臣若假天之
齡奉陛下宸算冀道揚太和洗濯僞風然後退歸邛

園避賢者路死不恨制詔褒答且賜今名錫與踵塗
天子討蔡宏正遣子布以兵三千進戰數有功而李
師道疑其襲已不敢顯助蔡故元濟失援王師得致
誅焉王承宗叛詔宏正以全師壓境破其眾南宮承
宗懼窮歸于宏正宏正表諸朝遂獻德棣二州以謝
納二子爲質俄而李師道拒命詔宏正與宣武等五
節度兵進討宏正自楊劉渡河距鄆四十里堅壁師
道大將劉悟率精兵屯河東戰陽穀再遇再北斬萬
餘級賊勢蹙悟乃反兵斬師道首詣宏正降取十有
二州以獻初悟既平賊大張飲軍中凡三日設角觝

戲引魏博使至廷以爲歡悟盱衡攘臂助其決坐中
皆憚悟勇客有白宏正者宏正曰鄆士疲於戰瘡者
未起悟當卹亡弔乏慰士大夫心奈何取快目前耶
吾奉詔按軍伺悟去就今知其無能爲也旣而詔悟
爲義成軍節度使狼狽上道時稱知悟之明以功加
宏正檢校司徒同中書門下平章事是歲來朝對麟
德殿眷勞殊等引見僚佐將校二百餘人皆有班賜
進兼侍中實封戶三百擢其兄融爲太子賓客東都
留司宏正數上表固請留闕下帝勞曰昨韓宏以疾
辭不就軍朕旣從之矣今卿復爾我不應違但魏人

樂卿之政四鄰畏卿之威爲朕長城又安用辭宏正
遂還常欲變山東承襲舊風故悉遣子姓仕朝廷帝
皆擢任之朱紫滿門榮冠當時穆宗立王承元以成
德軍請帥帝詔宏正兼中書令爲節度使宏正以新
與鎮人戰有父兄怨取魏兵三千自衛入其軍時天
子賜錢一百萬緡不時至軍有怨言宏正親加撫諭
乃安仍請留魏兵爲紀綱以持眾心度支崔倭吝其
廩沮卻之長慶元年七月歸衛卒於魏是月軍亂并
家屬將吏三百餘人皆遇害年五十八帝聞震悼冊
贈太尉諡曰忠愍宏正幼孤事融甚謹軍中嘗分曹

習射宏正注矢聯中融退怒扶之故當季安猜暴時能自全及爲軍中推迫融不悅曰爾竟不自晦取禍之道也朝廷知其友愛詔拜相州刺史賜金紫宏正性忠孝好功名起樓聚書萬餘卷通春秋左氏與賓屬講論終日客爲著沂公史例行于世宏正子布羣牟布字敦禮幼機悟宏正戍臨清布知季安且危密白父請以眾歸朝宏正奇之及得魏使布總親兵王師誅蔡以軍隸嚴綬屯唐州帝以布大臣子或有罪且撓法宏正請以董畹代而士卒愛布願留帝乃止凡十八戰破陵雲柵下鄆城以功授御史中丞裴度

輕出觀兵沱口賊將董重質以奇兵掩擊布伏騎數百突出薄之諸軍繼至賊驚引還蔡平入爲左金吾衛將軍諫官嘗論事帝前同列將麾卻之布止曰使天子容直臣毋輕進宏正徙成德以布爲河陽節度使父子同日受命時韓宏與子公武亦皆領節度而天下以忠義多田氏布所至必省冗將募戰卒寬賦勸穡人皆安之長慶初徙涇原宏正遇害魏博節度使李愬病不能軍公卿議以魏彊而鎮弱且魏人素德宏正以布之賢而世其官可以成功穆宗遽召布解纒拜檢校工部尚書魏博節度使乘傳以行布號

泣固辭不聽乃出伎樂與妻子賓客訣曰吾不還矣未至魏三十里跣足披髮號哭而入居堊室屏節旄凡將士老者兄事之祿奉月百萬一不入私門又發家錢十餘萬緡頒士卒以牙將史憲誠出麾下可任乃委以精銳時中人屢趣戰而度支饋餉不繼布輒以六州租賦給軍引兵三萬進屯南宮破賊二壘於是朱克融據幽州與王廷湊脣齒河朔三鎮舊連衡桀驁自私而憲誠蓄異志陰欲乘釁又魏軍驕憚格戰會大雪師寒糧乏軍中謗曰它日用兵團粒米盡仰朝廷今六州刮肉與鎮冀角死生雖尚書瘠已肥

國魏人何罪憲誠得閒因以搖亂會有詔分布軍合李光顏救深州兵怒不肯東眾遂潰皆歸憲誠惟中軍不動布以中軍還魏明日會諸將議事眾譁曰公能行河朔舊事則生死從公不然不可以戰布度眾且亂嘆曰功無成矣卽爲書謝帝曰臣觀眾意終且負國臣無功不敢忘死願速救元翼毋使忠臣義士塗炭于河朔哭授其從事李石訖乃入至几筵引刀刺心曰上以謝君父下以示三軍言訖而絕年三十八贈尚書右僕射諡曰孝子鑷宣宗時歷銀州刺史坐以私鎧易邊馬論死宰相崔鉉奏布死節于國可

貨鐵以勸忠烈故貶為州司馬羣會昌中歷蔡州刺史坐贓且抵死兄肇聞之不食卒宰相李德裕奏漢河閒人尹次穎川人史玉坐殺人當死次兄初玉母渾詣官請代因縊物故于時皆赦其死于是武宗詔減死一等牟寬厚明吏治為神策大將軍開成初鹽州刺史王宰失羌人之和詔牟代之累遷鄜坊節度使再徙太平三為武甯一為靈武軍官至檢校尚書左僕射卒諸子皆有方面功以忠義為當世所高

唐新

韓愈魏博節度觀察使沂國公先廟碑銘云元和八年十一月壬子上命丞相元衡丞相吉甫丞相絳召

永平府志

卷五十四

鄉賢一

二十

太史尚書比部郎中韓愈至政事堂傳詔曰田宏正始有廟京師朕惟宏正先祖父厥心靡不嚮帝室訖不得施乃以教付厥子維宏正銜訓事嗣朝夕不怠以能迎天之休顯有丕功維愈承命魯悖恐明日詣之是以命汝愈銘欽哉維時臣愈承命魯悖恐明日詣東上閣門拜疏辭謝不報退伏念昔者魯僖公能遵其祖伯禽之烈周天子實命其史臣克作為駟服父闕之詩使聲於其廟以假魯陵今天子嘉田侯服父訓不違用康靖我國家蓋寵銘之所可以休甯田氏之祖考而臣適執筆隸太史奉明命其可以辭謹案魏博節度銀青光祿大夫沂國公田宏正書兼魏州大督府長史御史大夫沂國公田宏正北平盧龍人故為魏博諸將忠孝畏慎田季安卒其子幼弱用故事代父人心不附迎宏正於其家使領軍宏正籍其軍之眾與六州之人還之朝廷悉除河北故事比諸州故得用為帥已而復贈父祭三代之兵部尚書母夫人鄭氏梁國太夫人得立廟祭代曾祖都水使者府君祭室祖安東司馬贈襄州刺史曾祖祭二室兵部府祭室祖安東司馬贈襄州刺史曾祖祭狎於太甯燕盜以驚羣黨相維河北失平號登元

和聖載營風揮日舒咸順指令業魏士嬰兒戲
兵吏戎愁毒莫保頸人曰田明束縛弓戈考校度
趨乘門請起田侯攝事奉我天臣曰維錫予嗟我六
程提壇籍戶來復邦經欽良書旌節不肖迨茲有
州始復故初告慶于宗以侯稽首愚乃父追秩夏
旗囊兜戟燾以長魏師田維汝忠孝予思乃秩
成祖考之教帝曰俞哉維侯作廟相方視父秩
卿媳德娠賢梁國是榮田侯有文廟相方視父秩
龜祖考咸喜暨爾田侯兩觀饗式時爾祖庸思作
承輔咨汝田侯勿遲觀饗式時爾祖庸思作
元積進田宏正碑文亟勿遲觀饗式時爾祖庸思作
前件碑文伏蒙御札朱書遣臣宏正魏博爾祖庸思作
宸衷銘鏤骨肌難酬雨露臣伏以陛下所令臣與
宏正立碑蓋欲遣魏博及鎮州將吏等並知宏正首
懷忠義以致功勳臣苟務四章廣徵難掩萬人之
吏不亦恐宏正未詳臨達之衢難勒銘人將
口臣所以效馬遷敘事直約而愛斯碑文勒銘功
制使宏正見銘而戒逸將吏觀敘而愛斯碑文勒銘功
不為溢美隨狀封進野事頗彰陛下以元正月壬戌
其碑文謹隨狀封進野事頗彰陛下以元正月壬戌

永平府志

卷五十四

鄉賢一

二十一

詔臣積曰朕有臣宏正自魏入鎮魏人思之因守臣
懇狀其德政乞文於碑爾司予言其文以付臣稽
首退而奏書于陛下曰始安祿山以元宗四十二年
盜幽州兵劫擊郡縣十餘關據京天下或掉擣肅宗
海內甫定而夾河五州或服或叛更迭奪廢
置征伐朝覲賦入之宜皆自為意五紀四宗容受
忍田承嗣始有魏緒相衛貝既而承嗣卒淫驕地
傳兄子悅悅傳緒緒傳季安既而承嗣卒淫驕地
勃蟲蠹發則喜殺左右漸及骨肉往顧妻淫驕地
用此由是內外皇帝元氏因不忍移置他安
一月乃卒是歲先皇帝元氏因不忍移置他安
懷諫始十餘歲先皇帝元氏因不忍移置他安
則逆虐用軍事士眾不襲分名為七年八月臣安
大孝敬于軍士廉讀儒一家書好言告曰事臣興
為將帥乎聞者皆踴躍乃大言曰爾輩即欲用興
地不肯起眾亦不肯去天恩澤洗汝痕穢使興
能不殺副使且許取天恩澤洗汝痕穢使興
萬眾知君臣父且許取天恩澤洗汝痕穢使興
等十人以興父且許取天恩澤洗汝痕穢使興
蓋七十年之十月四日也興乃圖懷六州之外地籍其人朝

與三軍之生齒自軍司馬已下至於郡邑吏之廢置
盡獻於先帝先帝詔興中興以工部尚書度使于興博相衛貝
澶之仍萬緡司封郎中曲赦管內使百姓魏興且復錢
一事百五十萬緡賜其軍曲赦管內使百姓魏興且復錢
曰歸天者乃如去耶興又悉取魏之僭服人相喜
所不當為者斥去之先帝曰興州善心者田興也
使興宏吾至正無亦先帝因名曰宏州正善心者田興也
猶僕役也將卒無畏避宏正始求副節度先是以諸朝
至則迎迓承奉雖功勳將莫外有權者避謁者不趨伏授
咨度始用寶禮先是聘將之莫外有權者避謁者不趨伏授
子以爲固四禮之來聘者莫外有權者避謁者不趨伏授
士吏工賈限其往來人多懼愁不復會聚至是以爲密
然矣魏之請移河于衛曰地四里且役是耶滑以水
害聞於朝皆曰壞吾地矣朝吾廷何異焉不古無有
詔宏正議之皆曰信彼多矣朝吾廷何異焉不古無有
也宏正曰魏於滑信彼多矣朝吾廷何異焉不古無有
以教人讓魏俗丕變先帝之朝以僕焉不古無有
三年又加司空以布會蔡有勞也射就李師道
燒河陰驚洛邑陰通元濟詔宏正誅之明年破賊五

永平府志

卷五十四

鄉賢一

二十一

萬于東阿進收鄆之陽谷距其城四十里營焉二月
壬戌劉悟斬師道加司徒平章事復歸於魏其年八
月朝京師先帝待之以有成焉乞留不獲詔加侍中武
遣之又明年陛下有趙地喪師宏正入焉初王武
俊以戰朱滔功得有趙地喪師宏正入焉初王武
承宗爲盧從史李師道所誣先皇帝征而赦之矣至
再憂畏感慙不克來覲既而聞陛下將天覆海深悉包
悉承受乃果自信將朝有未行會病將天覆海深悉包
弟承元聽命於朝陛下語宰相宏正度于魏吾何患
焉即曰內出五詔宏正爲宰相宏正度于魏吾何患
父子皆爲帥以大其威鎮人歌之月甲寅成節度于鎮且詔
正自去魏人哭之鎮人歌之月甲寅成節度于鎮且詔
猶魏政也且臣聞之德人歌之月甲寅成節度于鎮且詔
三政一曰仁爲惠政二曰法善政三曰謙爲和政
二德一曰忠爲德二曰孝爲善政三曰謙爲和政
六州之地平淄青四代之子寇入鎮不測之泉可以
爲忠矣始祖考食宗廟父分疆兄弟羅軒冕可以
以爲仁矣始初山東鍵閉束縛泳而游之歌而舞之可以
可以爲法矣始初山東鍵閉束縛泳而游之歌而舞之可以

助之可以爲謙矣謙法仁孝資之以忠不曰德政謂之何哉臣請奉制以一百九十二字付守臣懇銘之石用申約束銘曰帝命宏正予言是聽理亂有數其道甚明亂則隱約理由亂生既復亂生於翫輕唐受天命海內承平高祖太宗不荒不甯元宗抑厄其否乃革四十年奄有不宅始視燕寇胡雛弄兒雖我寵重彼將胡爲所細所忽焉而罹四后垂顧山東不夷逮我聖父殷憂儉克乘其淫驕乃伐乃殛視爾羣孽胡爲而亡僭久而大頑昏暴狂爾亦自視忽焉而昌憂畏逼側永思悠長曩爾之無今而之有既克而有則克而守惟爾惟我而今而後爾雖穹崇無忘辱詬我雖甯甯無忘燕寇銘之戒之以永聲臭

周寶字上珪平州盧龍人曾祖待選爲魯城令安祿山反率縣人拒戰死之祖光濟事平盧節度希逸爲牙將每戰得攻魯城者必手屠之歷左贊善大夫從李洧以徐州歸天子父懷義通書記累擢檢校工部尚

永平府志

卷五十四

鄉賢一

二十三

書天德西城防禦使以徙城事不爲宰相李吉甫所助以憂死寶藉蔭爲千牛備身天平節度使殷侗嘗爲懷義參軍寶從之爲部將會昌時選方鎮才校入宿衛與高駢皆隸右神策軍歷良原鎮使以善擊毬俱補軍將駢以兄事實寶彊毅未嘗詘意于人官不進自請以毬見武宗稱其能擢金吾將軍以毬喪一目進檢校工部尚書涇原節度使務耕力聚糧二十萬斛號良將黃巢據宣歙徙寶鎮海軍節度兼南面招討使巢聞出采石略揚州僖宗入蜀加檢校司空時羣盜所在盤結柳超據常熟王敖據崑山王騰據

華亭宋可復據無錫寶練卒自守發杭州兵戍縣鎮判八都石境都董昌主之清平都陳晟主之於潛都吳文舉主之鹽官都徐及主之新登都杜稜主之唐山都饒京主之富春都文禹主之龍泉都凌文舉主之中和二年進同中書門下平章事兼天下租庸副使封汝南郡王寶和裕喜接士以京師陷賊將赴難益募兵號後樓都明年董昌據杭州柳超自常熟入睦州刺史韋諸殺之四年餘杭鎮使陳晟攻諸諸以州授晟寶子璵統後樓都虜不能馭軍部伍橫肆寶亦稍惑聲色不恤事以壻楊茂實爲蘇州刺史重斂人不聊生田令孜以趙載代之茂實不受命寶表留不聽乃殘郭署汙垣牖去詔以王蘊代載載留潤州初鎮海將張郁以擊毬事實光啟初劇賊剽崑山寶遣郁領兵三百戍海上郁醉而叛王蘊謂州兵還休不設備郁遂大掠蘊嬰城守寶遣將拓拔從討定之郁保常熟因攻常州刺史劉革迎降眾稍集寶遣將丁從實督兵攻之郁走海陵依鎮遏使高霸從實遂據常州及董昌徙義勝軍節度使寶承制擢杭州都將錢鏐領州事宣州賊李君旺陷義興守之是時右散騎常侍沈誥使至江南負田令孜勢震暴州縣嗣

襄王下令搜令攷黨寶收誥及趙載殺之高駢領鹽鐵辟寶子佶爲支使寶亦表駢從子在幕府駢爲都統寢不禮寶寶銜之帝在蜀淮南絕貢賦謾言道浙西爲寶剽阻帝知其誣不直駢自是顯隙駢出屯東塘約西定京師寶喜將赴之或曰高氏欲圖公地寶未信駢遣人請會金山謀執寶寶答曰平時且不聞境上會況上蒙塵宗廟焚辱甯高會時耶我非李康不能爲人作功勳欺朝廷也駢遣人切讓寶亦詬絕之會部將劉浩刁穎與度支催勘使太子左庶子薛朗叛寶方寢外兵格鬪火照城中寶驚出諭曰爲吾

用則吾兵否則寇也六州皆吾鎮何往不適乃自青陽門出奔士大掠官屬崔綰陸鏐田倍皆死浩奏朗領府事寶至奔牛埭駢饋以齏葛諷其且亡也寶抵于地曰公有呂用之難方作無謂我即奔常州依丁從實召後樓都無一士至者錢鏐遣杜稜成及攻薛朗稜子建徽攻從實聲言迎寶擊破賊君旺取船八百艘遂圍常州從實奔海陵鏐具橐鞬迎寶舍樟亭未幾殺之不淹月而駢爲畢師鐸所囚寶死年七十四贈太保鏐以杜稜守常州文德元年拔潤州劉浩亡不知所在執朗剖其心祭寶使阮結守潤州楊行

密殺高霸而張郁丁從實皆死

新唐書

陽惠元平州人以趨勇奮事平盧軍從田神功李忠臣浮海入青州詔以兵隸神策爲京西兵馬使鎮奉天德宗初立稍繩諸節度跋扈者於是李正已屯曹州田悅增河上兵河南大擾詔移兵萬二千戍關東帝御望春樓誓師因勞遣諸將酒至神策將士不敢飲帝問故惠元曰初發奉天之帥張巨濟與眾約是役也不立功毋飲酒臣不敢食其言旣行有饋於道惟惠元軍瓶壘不發帝咨歎不已璽書慰勞俄以兵三千會諸將擊田悅戰御河奪三橋惠元功多以兵屬

永平府志

卷五十四

鄉賢一

二十六

李懷光及朱泚反自河朔赴難解奉天圍加檢校工部尚書攝貝州刺史詔惠元與神策行營節度使李晟鄜坊節度李建徽及懷光聯營便橋晟知懷光且叛移屯東渭橋翰林學士陸贄諫帝曰四將接壘晟等兵寡位下爲懷光所易勢不兩完晟旣慮變請與惠元東徙則建徽孤立宜因晟行合兩軍皆往以備賊爲解趣裝進道則懷光計無所施帝不從使神策將李昇往伺還奏懷光反明甚是夕奪二軍惠元建徽走奉天懷光遣將冉宗馳騎追及于好畤惠元被髮呼天血流出皆袒裼戰而死二子晟嵩匿井中皆

及害建徽獨免詔贈惠元尙書左僕射晟殿中監
邠州刺史少子旻字公素惠元之死被八創墮別井
或救得免歷邢州刺史盧從史旣縛潞軍潰有驍卒
五千從史嘗以子視者奔于旻旻閉城不內眾皆哭
曰奴失帥今公有完城又度支錢百萬在府少賜之
爲表天子求旻旻開諭禍福遣之眾感悟遂還軍
憲宗嘉之遷易州刺史王師討吳元濟以唐州刺史
提兵深入二百里薄申州拔外郭殘其垣以功加御
史中丞容州西原蠻反授本州經略招討使擊定之
進御史大夫合邕容兩管爲一道卒贈左散騎常侍